

امور تحریر یہ ایچون فؤاد بکہ
وامور اداره ایچون آرتین افندیہ
مراجعت اولنور۔

— ❧ —

درج اولنمیان اوراق اعاده اولنماز.
مسلكمزه موافق آثار قبول اولنور.

مَعَالِيقُ

اداره خانہ سی باب عالی جادہ سندنہ
۵۲ نومبر ولی « شرکت ضربتہ »
مطبعہ سیدرہ

— 204 —

استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدور.

نسخه سی ۱ فروش

پنجمینہ کونہری نشر اولنور ادبی، فنی وصناعی غزہ در

نسخہ سی ۱ غروش

بعضی لری کتابچی دکانلرنده، دیگر لری سوقاق اورته سنده اوقویه رق کر لر . دایماً اختیارلرینه تابع بولندقلرندن دیده رغبتلرینی جلب ایدن هر یرده طولاشه . بیلور لر . بولردن سوقاقلرده، بورجکی، پاصدیرمه چی دکانلرنده مأذونیت زمانلرینی اصرار ایدنلر بولندینی کی قیرلده صید وشکاره چیقمق، بالی آلامق، قیزاق قایق، صوده ییقاتق کی شیرله اشتغال ایدنلرده بولور .

زمانلرینه صاحب اولدقلری کی پاره . لری ده کندی ید اداره لرنده اولدیغندن بربرلرینه ضیافت ویر لر و اوطلرینی ترین ایچون مفروشات و سائر آولر لر . مع مافیه، خدمشروعندن زیاده اسراف وتبذیر نقوده جرنئیاب اولدقلری صورتده محصول مساعی یومی لری اولان اشیاء نفیسه و اوطلرینی ترین ایدن سائر ائات بیتیه موقع مزایده یه قونیلور و بونجه مبلغ صرف ایدره ک تدارک ایده تیلش اولدقلری امتعه وتزیناتک جمله سی ظهور ایدن طالبلره فروخت اولنهرق قیمت معادلہ سی داینلرینه توزیع اولور .

ایشته، بوجهلله هنوز اون، اون ایکی یاشنده کی چوجوقلری، بوکی معامله لر اجراسیله، بیوکلر مرتبه سنه ترفیع ایدر لر و عتلاً مجاز اولان هر بر حرکتلرینه میدان ویرمکله برابر ادباً مخالف اطوار انسانیه کوریلان بر معامله یی مرتکب اولدقلری صورتده شدیداً مسؤل طوتیلور لر .

چوجوقلری زمان صباوتلرندن اعتباراً عادات ونظامات موضوعیه کاملاً تابع بولنمه مجبور طوته رق هنوز اوفاقلقده مزرعه فکریلرینه انقیاد واطاعت تحمیلی صاچار لر .

اشتغالات یومی نك حد اعظمیدی سکر ساعته بالغ اولور، فقط اکثریا آلتی، یدی ساعته ده اکتفا ایدیلور ،

تحصیلتک جهات مادیسی بونجه فوایدی جامع اولدینی کی جهات معنویه سی ده بالنسبه منتظمدر . مسائل علمی حیاتیه مستثناطوتلدینی حالده زمانزه کانجیه قدر بوکی مکتبلرده تحصیل کورن شاگردانک مکتسبات فکریه لری پک محدود درجده قالور ایدی .

قلاسیق کتابلردن بفصل بابلر، مطارل فصللر اوقور لر ایدیسده مندرجاتک دقایق معنویه ونکات لطیفه سی ادراکه مقتدر اولانلر نادر بولور ایدی . بونقیصنک معلملرک تعقیب ایتدکاری اصولک اطراد . سزلفنندن تحدث ایتدکه اولدیغنه اخیراً انکلتزه معارف نظارتی بحق ذاهب اوله رق محاذیر مذکورده نك رفعی خصوصنه صرف غیرت وحصر همت ایتش و اوتار یخلردن بری انکلتزه ده مکتبلرک اهور تدریسی سی شیرازه انتظامه کیرمشدر .

— — — — —

تاریخ

«یهودیایر»

(مابعد)

آثوریه حکومتک اضمحلالی ویهودیایرک انلرک تغلبندن خلاصلری ایچون انبیاء سالفه طرفلرندن اخبار وتعیین بیورلش اولان زمان حلول ایتشیدی .

ایران حکمداری «سیروس» فرات نهرینی کچرک بابل شهرینی ضبط ، بالتازاری قتل ایلدی [۵۳۸ قبل المیلاد] .

بابل، بوندن صوکره مدیا حکوه تی اقسامندن معدود اولدینی کی مدیا حکمداری مشهور دارانک وفاتی متعاقبده «سیروس» طرفندن تحریب ایلدی [۵۳۶ قبل المیلاد] . ایشته بو تاریخده (یعنی ابتدای اسـاـ رتلرندن تام یتمش سنه صوکره) «سیروس»

قدس شریف ایله بیت مقدسی یکیدن بنا واحیا ایتک اوزره یهودیلرک مملکتلرینه عودتنه مساعده کوستردی . یهودیلرکندی راهبیلرینک زیر اداره سنده بولنقله برابر ایرانه اولان رابطه لری باقی قالمش ایدی . فقط بر زمان صوکره بعض وقایع سببیه بورابطه ده منقطع اولدی : اسکندر «صیدا» شهرینی ضبط ایتدکن صوکره [۳۳۲ قبل المیلاد] یهودیلرک ایرانه اولان رابطه صمیمه سی خوش کوره . مدیکنندن قدس شریفی تحریب ایتک املنده بولنمش ایسه ده کبرای یهوددن «ژادوس»، اسکندرک حضورینه کیدوب حضرت نبی (عم) کتابنده «یونانستاندن بر حکمدار توره یوب ایرانی ضبط واستیلا ایده چکنه» دائر اولان فقراتی عرض وافهام ایلدیرک بوشهر مقدسی ترأضندن صیانته موفق اولدی .

میلاددن ۳۲۰ سنه اول، مصر حکمداری

«پتوله» قدس شریفی محاصره ایتدی . یهودیلرک دیناً «جغه ایرتسی» کونلرینه رعایته مجبور اولدقلرینی و بناء علیه حرب ووغادن محتجب بولنه جقلرینی بیلدیکی جهتله بوندن بالاستفاده برجمه ایرتسی کونی شهر مقدس اوزرینه بر هجوم ترتیب ایدره ک بلا مدافعه تسخیر، یوز بیگ نفوسدن زیاده بولنان سکنه سی اسیر ایتدکن صوکره اسیرایده کاملاً مصره کوندردی .

بوندن صوکره ارض فلسطین، سوریه حکمداری «آنتیوکوس» طرفندن ضبط ایدیلوب برسنه صوکره «پتوله» طرفندن استرداد ایلدیکی حالده ایرتسی سنه تکرار «آنتیوکوس» ک ید اداره سنه کچمش ونهایت سوریه حکمدارینک قزی «قله اوپاتر» ک «پتوله» ایله ازدواجی اوزرینه التی سنه صوکره مصره ترک اولنمشدر [۱۹۸ قبل المیلاد] . فقط اخیراً «آنتیوکوس» «پتی فان» قدس شریفی ضبط ایدوب یهودیلره تحمیلاری

فوقنده اذا، جفا ايمسى وكبراسندن
بعضلى ده اتلاف ايله مەسى اوزرينه «ژوداس
ماهابه» مدافعة نفس ايچون سلاحه صاريلوب
موقوفات عظيمه نائل اولقله برابر مملكتى ده
تخليصه موفق اولدى [۱۶۶ قبل الميلاد].
بو معركده برجم غفيره سكر يوز قدر
عونه سيله مقابله صددنده بولان «آتيوكوس»
دخى مقتول اولدى.

آتيوكوسدن صوكره كان اوغلى
«ژوناس» برضيفنده وفات ايتدى. بونك
اوغلى «ژان هيرقان» سوريه ليلرله اولان رابطينى
بستون قطع ايمكه قالقيشوب حقي «سامريه»
شهرينى ده ضبط ايله مش ومخدومى «آريستوبول»
«يهوديلر قرالى» عنوانيله كندينه خلف اولمشدر.
بوزاتك وقاتى متعاقب مخدوملى
آراسنده نزاع ظهورى روماليلر ك مداخله سنى
ايجاب ايله مش اولديغندن نهايت «پومپه»،
«ميتريدات» عليه اولان سفرندن عودتنده
قدس شريفه كلوب ايكنجى هيرقانك مقام
حكومه اقعايدى صورتيله منازعه يه ختام
وپردكدن ماعدا [۶۷ قبل الميلاد] شهر ك
اطرافنده كى سوري ده تخریب ايله دى.

طقوز سنه صوكره «قره زوس» قدس
شريفى ضبط ايله تخریب وبيت المقدسده
بولوب قيتى ۳۰ مليون فرانك تخمين ايديلن
اشيا واموالى نغما ايتدى. بومعركده «هيرقان»
دخى رأس حكومتدن چكىلكه مجبور اولوب
يرينه روماليلر طرفندن «آتيغون» نام ذات
ينه «يهوديلر قرالى» ناميله نصب ايدلى
[۴۰ قبل الميلاد]. ايشته بوزاتك زمان حكومتده
ايدى كه حضرت عيسى عليه السلام زيتساز
كهواره وجود اولدى.

اخيرا يهوديلره قرال اولان «هرود»
نبى ذیشان مشاراليهك ولادتتى خبر آنجه
برلكده افنا ايدى بيلك اميلله او آراق تولد
ايدن بالجله چوققلر ك اتلافى امر ايله مش

ايسه ده تقدير الهى به قارشى بوتشبتى اصلا
كار كر اوله ماديغى جهته املنه ده موفق اوله مادي.
يهوديلر ك بوندن صوكره كى وقايع
سياسيه لرى روما تاريخنه عائد اولمغله بوقدرله
اكتفا ايدلمشدر.

تراجم احوال

«اسكندر»

(مابعد)

فليب، مخدومى كنجالى كنده امور حكو-
مته ويونانستان ايله آسيا قطعه سى حقنده كى
افكار ونياتنه واقف ايتدى. اسكندر اون
آلتى ياشنده ايكن، پدرينك سفر ايله مشغول
اوله سى جهته، نائب حكومت تعيين اولدى.
ايكى سنه صوكره پدريله برابر يونا-
نستانه كيدرك تبليلىر ايله آتدليلره «كرونة»
نام موقعده غلبه چالدى.
تبليلىر ك قهرمانلى شهر تكي آفاق اولان،
قوجه براردوسى اوراده منظم اولدى.
بوغابه ماكد ونيانك يونانستانه تفوقى تأمين
ايتمش ايسه ده فليب بوتفوقى انلره سزدير-
ميدرك مخدومى جنراللارندن بريسنه ترفيقاً
تكليف مصالحه ايچون آتنيه كوندردى.

اسكندر ك موقع اقتداره كلمه سى

اسكندر يكرمى ياشنده ايكن مقام
قرالى به قعود ايله دى [۳۳۹]. واقعا اوتا-
ريخده ماكد ونييا قطعه سنى نفوذى فوق-
العاده ايديسه ده اهالي سنى ضبط واداره لازم
ايدى.

بو مقصدك استحصالى ايچون اسكندر
بغتة «تب» شهرينه يورودى. اولجه شاعر
مشهور «دهموستن» ك تشويقيله اسكندره
قارشى اطاعت سزلق كوسترن آتدليلرده او
وقت ايشك درجه وخامتتى تقدير ايله نام

اوله رق درحال طلب عفو ايچون سفيرلر
كوندرديلر.

آتدليلر ك شوحر كتى اسكندر ك پك
خوشنه كيدرك فكريندن نكول ايدوب ماكد
ونيا قطعه سنى استيلا ايچون تهديدانده بولان
اقوامى دفع و تشكيل مقصديله شماله دوشرو
حركت ايتدى.

اقوام مذكوره يي بعد التاديب طونه
جهته كچرك اورالينى تسخير ايله دى كه
بو آراق نهر مذكور سواحلنده همجنسارندن
«كلت» اقوامنه دخى تصادف ايتمشدى.

اقوام مذكوره ايله وقوع بولان ايلك
ملاقاتنده اطوار وحركتلرينه تعجب ايله
نهدن خوف ايتدكلرينى سؤال ايدنجه «بز
هيچ برشيدن قورقه يز، قورقديغيمز برشى
وار ايسه اوده سما ييقلوب التنده قاله-
ييلكلى كمزدر.» ديه جواب ويرديلر.

يونانستانده «فليب» ك خبر وفاتى شايع
اوله سى اوزرينه تبليلىر سلاخلانميه باشلا-
ديلر. اسكندر بو خبرى آير آلاز هان عودتله
اون اوچ كون ظرفنده يونانستانك تا اورته
يرلرنده بولان «به اوس» شهرينه كلىشدر.

كنديسى بوضورتله عجله عودته مجبور
ايدن حال «دهموستن» ك القا آتى اولديغى
تفرس ايمه سيله اسكندر ديدى كه: «دهموستن،
طونه سواحلنده ايكن بكا برچو جوق نظريله
باقش، تسالييايه مواصلمده ايسه نبى كنج
بر آدم اولمق اوزره تلقى ايتمشدر. فقط بنم
نصل بر آدم اولديغيمى آتدك حين ضبطنده
كنديسنه ارئه ايدى جكم».

اسكندر اول امرده شدتلى بر محام-
ره يي متعاقب «تب» شهرينى يد ضبطنه كچر-
دى. شهر مذكور بلاد متجاوره لك اتحاد
آراسيله تخریب ايدلى وسكنه سندن اوتوز
بيك نفوس اسير ايديلوب كوله كى ساتيلدى.
(مابعدى وار)